





Etus ad assensum solummodo movetur a vero, non a falso, & si veritas non esset apprens, & existimata, sed existens, assensus non esset falsus, sed verus; quia ratione Arist. 1. Elench. cap. 1. definit syllogismum captiosum dicens, quod sit syllogismus apprens, atque non existens.

24. Rursum est not. quod quandoque opinio est de re apparenter vera, & in se falsa, non ob id tamen illa opinio dicitur erronea, sed probabilis, & vera, non enim quælibet veritas apprens causat errorem, sed solum illa veritas, quæ apparet probabilis, in se tamen est improbabilis; quæ tamen in se est probabilis, licet non ita se habeat a parte rei, causat opinionem probabiliter veram; ratio huius est, ut notat Averr. qu. 9. sect. 6. quia ex Arist. cit. probabile illud dicitur, quod creditur ab omnibus sapientibus, aut plurimis aut quibusdam in scientiis excellentibus, improbabile est, quod a sapientibus falsum censetur, licet rudibus appareat verum, ut quod Sol, & astra sint exiguae quantitatis; quando igitur aliquid censetur verum, aut ab omnibus, aut ab aliquibus sapientibus, quamvis non ita se habeat a parte rei, assensus circa illud non dicitur erroneus, sed opinativus; & probabilis, neque hæc apparentia excludit probabilitatem; quando vero apud omnes sapientes est falsum, & solum rudibus videtur verum, tunc assensus erit error, quia quod est improbabile, apparet probabile.

25. Quod diximus de errore circa propositionem, dicendum quoque erit de errore in discursu, nam tunc proprie discursus dicitur erroneus, quando non recte consequens deducitur ex antecedenti, quamvis in se sit verum, veritas enim conclusionis, ut propositio quædam simplex est, de per accidens quasi se habet ad rectitudinem discursus, duplex est autem potest conclusio male deduci, vel propter defectum in forma syllogistica, & de hoc diximus 1. p. in tit. trad. 3. dum regulas bonæ argumentationis assignavimus; vel propter defectum in materia, quando scilicet conclusio ut probabilis, vel necessaria deducitur ex motivo improbabili, vel non necessaria.

Ex his manifestè apparet distinctio inter errorem ex una parte, & scientiam, & opinionem ex altera; scientia enim est cognitio vera veritate necessaria, cui nequit subesse falsum, certa, & evi-

dens; isti accedit opinio, quæ est cognitio vera veritate probabiliter apprens, habetque aliqualem evidentiam saltem probabilem, error tamen tanquam aliud extremum est cognitio omnino falsa, quia nec necessario, nec probabiliter apparet vera. Unde verò proveniat deceptio intellectus nostri pro statu isto, tetigimus disp. 10. qu. 2. art. 4.

26. Sed dubitabis: de ratione discursus est, ut consequens inferatur vi antecedentis, sed hoc solum intervenit in recto discursu, ergo nullus discursus erit falsus, Min. prob. quia quando consequens inferatur vi antecedentis, rectè inferatur, unde dicitur Arist. cit. syllogismum deficientem in forma non esse verum syllogismum; quia in ipso conclusio non necessario inferatur ex præmissis. Item unum non nisi uni contrariatur, ergo error nequit esse scientiæ, & opinionum contrariis. Resp. neg. min. Ad prob. dicimus veram esse, si antecedens in se spectatum habet vim illativam consequentis, at quando consequens deducitur, non quia fit ex se deducibile, sed quia intellectus concipit in antec. vim illativam consequentis, quia judicat antecedens esse causam istius, tunc inferatur consequens, sed non rectè Arist. antem loquitur de syllogismo peccante in forma, quomodo non est syllogismus illativus, quia non rectè deducitur conclusio ex præmissis, etiam veris sunt rectè inferatur, quando est in forma, quamvis præmissæ sint falsæ, positæ enim his præmissis omnis homo est lapis, Petrus est homo, ritè inferatur, ergo est lapis, nam illa: præmissæ sic dispositæ habent vim illativam, quamvis non habeant vim probativam, cum sint falsæ, non loquitur autem de syllogismo, prout cum quocumque discursu convertitur, ut sic enim dicitur de syllogismo etiam peccante in forma, quamvis æquivocè, quia potest intellectus aliquis assensum conclus. elicere ex assensu præmissarum, quæ non rectè dispositæ sint in forma, ut dispositæ tamen sint apprehensæ, quia actus esset tertia operatio intellectus; & discursus, non tamen rectus, sed falsus. Ad 2. satis diximus disput. 9. quest. 1. artic. 1. cum hanc contrarium proprietatem explicavimus. Et hæc satis de facultate Logica: Quæ omnia cedant in laudem D. Antonii, in cuius Sacra Domo moramur, & sub eiusdem auspicio has elaboravimus lucubrations.

F I N I S.

UNIVERSITATIS SAPIENTIE MONASTICAE...  
BIBLIOTHECÆ MUSEI...  
SOCIETATIS...  
PHYSICORUM...  
SOCIETATIS...  
MUSEI...  
PHYSICORUM...



VENE TIIS MDCCXXVI...  
ADU...  
TUEN...